

《續修四庫全書》編纂委員會編

續修四庫全書

上海古籍出版社

五九〇・史部・地理類

肇域志□□卷（存江南十一卷、浙江二卷、山東八卷、山西五卷、河南四卷、湖廣三卷、陝西十卷、雲南二卷、貴州一卷、廣東二卷、福建二卷）（山東七至山西四）〔清〕顧炎武撰……

2676/09

肇域志

崑山顧炎武

兗州志論曰泰山之陽其脈疏為三支為龜蒙二山
相連石有餘里古齊魯之疆也自龜蒙而南自瑯
琊諸山至於馬陵沂水經之會泗水枋水武水流
入於淮馬陵之下是為羽淵帝鯀之所化也沫水
出其東流於海是為東鯢其郡邕為沂為費為
郛城為嶧其車南成由祖萊梁父而南折而東行
為陽尾山泗水出焉陽尾之西為尼邱尼邱之麓
是出而沂之水其右則闕里也泗水經其北沂水

經其南會洙水蓼水雩水流入於漕又南為鄒嶧山秦帝之所立石也嶧山之西南為鳧山太皞之祠在焉鳧山之南濳水梁水流入於漕是為中紀其郡邑為曲阜為滋陽為泗水為鄒滕其右一支由金牛而西是為陶山又西至於大檻大檻之西為天柱其南為無鹽危山又西至於梁山汶水經之汶水者泰山下泉也南至於岡城離而為洸西至於坎河洸而為大清大清濟之故瀆也汶洸入於漕大清入於海是為西紀其郡邑為寧陽為平陰為東平為東河黃河自西南入境東流入於徐

隄長數百里其郡邑為曹為城武為單自城武以
北有故道馬河瀆已枯澮水其中以為民病瀰漫
數百里東流入於漕其郡邑為曹州為鄆城為金
鄉為定陶漕渠自東南入境北入於衛泗汶之水
會之其旁為南旺山陽諸湖古所謂鉅澤也周回
數百里以蓄洩水其郡邑為魚臺為濟寧為鉅野
為嘉祥為汶上為壽張為陽穀河漕之所經皆澤
國也有山而不名自岱宗之支視之直若邱垤耳
曹縣 曹南山魯僖公十有九年宋曹邾三國盟於
曹南注曹國都之南也又曹風南山朝隴則曹有

山而在其南抑又明矣叔鐸建國漢地里志濟陰定陶縣鄭氏曰陶邱之北孔穎達曰魯在其東南衛在其西北又曰曹都雖在濟陰其地則踰濟北故其國都實今曹州境內與漢乘氏相距不遠雖屢經河患境變而山未泯今俗名春岡者在縣治西北十八里北距州治九十里阜巒起伏高八九丈橫亘數里人雖不見石而土皆岡砂鋤斧不受令夫掘井二丈始見國初舊址則河填可知岡猶巍然若是其為大山奚疑其為曹之南山又奚疑舊志未及細攷而以縣南有土山鎮取名湯陵以

以當之審若是則宋地而非曹地且失經傳旨矣
青山在縣東二十五里經河填其高尚三丈餘
景山在縣東四十里故楚上北三十八里左
山水經云左岡在縣西北六十里與州接境相傳
為春秋時太史左丘明父墓而左氏族衆所居也
山南為唐宋時舊州治其下有隋興化禪院其旁
漢恭皇陵黃水即黃河之支流也水經注云河
水又東北右合黃水支渠水上承黃溝東北合河
西北注濟瀆即是水矣汜水唐十道志謂曹南
山有汜水鄒志云在縣北四十里汜音范漢高祖

山東七

三

即位於汜水之陽即此 賈魯河遶縣西四十里
許自黃陵岡至楊青村元賈魯所開嘉靖前猶運
道自塞黃陵岡而北河遂填今為大河洪荒矣
莘仲城在縣北十八里本夏有莘國伊尹耕此與
陳留莘城為兄弟之國今名莘塚集以有莘仲國
君墓也乃湯受命遂為亳都畿內地而郟陽名莘
按東昌莘縣起於隋緣莘亭而言實非古莘國也
舊志在城東南三十里據左山城治言耳今正之
其山形起伏西自春岡迤邐而東至鎮左大阜突
出為郝真人升仙處有商仲衡伊陟岡今並祀尹

今下鼓臺謂乎

非疑其字之誤

矣。毫城在湯陵東南三里。虞夏時本為商邱之地。自契至湯八遷而居於此。南燕國在城北四十里。古姑姓之國。縣東為陽清湖陂。亦曰燕城湖。今有大阜如墳。前有廟。類王者土人為燕城廟云。案南燕姑姓伯爵黃帝子蒼林之後。其始封之祖曰伯修。春秋隱公五年衛人以燕師伐鄭。十九年與衛伐周。立王子類。皆南燕也。水經濮渠又東北逕燕城內。故南燕姑姓之國也。有北燕。故以南民縣東為陽清湖陂。南北五里。東西三十里。亦曰燕城湖。而地理志以為衛輝府。非城縣為南燕誤矣。

山東七

四

板橋志卷之四

彼蓋以慕容氏之南燕蒙之也據十六國春秋慕容德自鄭南徙沿臺而後稱制遂為南燕非濮渠之所經也事在下流矣今縣北二十里燕城尚存父老猶能言之春秋桓公二十年鄭伯和王室不克執燕仲父即其國君而他世次莫攷矣 己氏城在縣東南境春秋屬戎州隱公七年戎伐凡伯于楚丘以歸是也秦名安陽漢置己氏縣至隋置楚丘縣國初省入 楚丘城在縣東南四十里本春秋時舊邑與戎州己氏邑近考春秋傳與竹書紀年甚明後漢書謂在成武縣西南得之于慎行

府志謂已氏即楚邱似之而失詳矣隋置楚丘縣
於此而漢屬梁國唐屬宋州元改屬曹州洪武二
年省入公毅及舊志謂衛邑此蓋因戴公廬曹而
誤以文公所營之楚丘當之也曹詩作漕衛下邑
與曹無涉蓋彼為衛邑而此為曹境固邈絕矣按
春秋有兩楚丘一為齊桓公城衛處即衛文公所
營之邑在河東北楚丘也一在本境魯隱公七年
戎伐凡伯於楚丘以歸又襄公十年春公會晉侯
會吳于柤夏五月晉侯滅偃陽子宋公宋公享晉
侯觀以桑林此南楚丘也是為縣境歷三代為名

邑至國朝始又歸於曹云 濟陰城魏遷濟陰於左山之陽爾雅云水南曰陰在濟水之南故名州志誤漢景帝中元六年置濟陰國後附縣為附郭隋改還不離其地歷唐五代宋金濟陰郡曹州之名更易非一金末黃河衝決改城於乘氏實漢濟陽縣區之旁在原濟陰縣北禹貢蔡注云濟陰南三里指大定後之濟陰言也名仍其前實非濟陰地 金史康元弼傳大定二十七年河決曹濮間瀕水者多墊溺朝廷遣元弼往視相其地如盜而城在盜中水易為害請命於朝以徙之卒改築於

北原曹人賴焉

唐武德四年置蒙澤縣後廢

蒙城在縣南境

曹州舊城在濟陰廢縣旁隋孟

海公嘗據此北周置曹州唐徙州於濟陰縣亦在

左山之南至金大定中與濟陰治始同徙於乘氏

云按縣境有曹州之治四兩置左山之陽一治安

陵洪武二年又置於縣也安陵城在縣西北七十

里

安陵集在縣西北六十里

國初州治也正統間遷今縣治乃

以其地置巡簡司通志謂為桂陵誤一統名勝志

謂即魏冉墓世謂之安平陵今設有巡簡司冉秦

宣太后弟也為秦相封於穰益封於陶號曰穰侯

水經注

富於王室范曄說昭王因免相就封出關輜車千
乘卒於陶而因葬焉世謂之安平陵按水經濟水
東過寬句縣南又東過定陶縣南南濟也濟水又
東北荷水東出焉濟水又東逕奉相魏冉冢南寬
句故址在今曹州西北五里許與漢乘氏地相距
不遠定陶在今左山東故濟陽在左山之陽故曰
定陶而南為濟陽縣其東南即城武黃水所經而
定陶又東始為魏冉冢今安陵城在定陶正西相
距三四十里不應反指相謂也舊謂冉堦為冉冢
疑近之而安陵別自有說不得輒取附矣

今冉堦
集有墓

傳為仲弓葬處恐是魏冉
冢冉塋在縣東北六十里
盤石鎮宋元閒為濟
陰楚土縣之界置巡簡稅課等司又為驛路洪武
二年遷州治於此四年改為縣即今縣治其東南
有兩閘今尚存故老云運道也
平利鄉皇覽曰
伊尹墓在濟陰己氏縣平利鄉
商村在青檀集
北一云西北三十五里元濟陰地
南盤石在城
東南三里即今都社也一云縣東七里是為南鎮
今縣治乃北鎮
濟隄在縣北三十五里即古濟
水隄王隱曰河決為滎濟水受焉故有濟隄水經
以為南濟東北右合河水水上承濟水于濟陽縣

山東七

七

東世謂之五大溝又東逕陶邱北地理志陶邱在定陶西南寰宇記以為即左城也然則濟隄固在縣北今蒲連集北猶有其形其餘踏平為東西孔道矣 濟陽城通考在寃句西南一統名勝志云境內有濟陰濟陽二城濟陽即光武生處也光武以建平元年生於濟陽縣光照一室是歲隄內有嘉禾生一莖九穗年大熟因名秀其邑在縣西南五十里指寃句言也昌邑王賀自定陶至濟陽求長鳴雞節竹杖於此 稅城在縣東北今疑非縣境 乘氏城即金大定末遷為曹州而仍置濟陰